



Uunga:
Inatsisartunut ilaasortaq Kuno Fencker, Naleraq
/Maani

**Kalaallit Nunaat namminerisamik naalagaaffinngornissaa
Naalakkersuisut politikkikkut anguniagarineraat pillugu § 37
naapertorlugu apeqqummut nr. 73/2025-mut akissut.**

24-06-2025
Suliap normua 2025 -
Allakkap normua

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl

- 1. Kalaallit Nunaat namminerisamik naalagaaffinngornissaa Naalakkersuisut politikkikkut anguniagaraat? Uani aap-imik imaluunniit naamik-mik taamaallaat akisoqarsinnaavoq.**

Naalakkersuisut politikkikkut pingaarnertut anguniagaat Namminersorneq pillugu inatsisip misissoqqinnissaa Demokraatit, Inuit Ataqatigiit, Siumut Atassut akornanni naalakkersuisoqatigiinnissamik isumaqatigiissutaanni (2025) qulequtaaqqami 'Namminiilivinnissaq qallunaallu naalagaaffiannut isumaqatiginninniarnissaq' qupperneq siullermi aappaanilu atuarneqarsinnaavoq.

- 2. § 37 apeqqut¹ 47/2025-ip akissutaani Naalakkersuisut § 21-mut Isumalioqatigiissitap², Namminersornermullu inatsimmi § 21 aallartinnissaanut sumilluunniit iliuuseqarsimannginnerannik nalunaaruteqarput, taamaammat ukua apeqqutigineqarput:**
- a. Suliap sumilluunniit aallartissimannginneranut Naalakkersuisut qanoq tunngavilersuuteqarpat?**

Apeqqummut nr. 1.-imut akissut § 37 naapertorlugu apeqqummi nr. 47/2025-mi takuuk.

- b. §21-Isumalioqatigiissitap ilaasortassai qaqugu tamakkerlugit inuttalerneqassappat allattoqarfeqarfillu pilersinneqassava, isumaliutissiisummi UPA2024/75 peqqussutaasut naapertorlugit?**

Apeqqummut nr. 1.-imut akissut § 37 naapertorlugu apeqqummi nr. 47/2025-mi takuuk.

Siulittaasup Naalakkersuisoqarfiani Tunngaviusumik Inatsisiliornissamut Immikkoortortaqarfik isumalioqatigiinnngortussamut allatseqarfiunissaq naatsorsuutigineqarpoq.

- c. Naalakkersuisut § 21 pillugu suleqatigiissitami suleqatigiinnut ilaasortat sorliit kikkullu peqataatissamaarpaat?**

¹ § 37, imm. 1 Inatsisartut Suleriaasiat

² UPA2024/75

Namminersorneq pillugu inatsimmi § 21-imik qulaajaasussat suliamut ilisimasalinnik ilaasortaqaarnissaa Naalakkersuisut aalajangiunnikuuaat. (Apeqput 1.-imut akissut takuuk.)

Ilaasortassat toqqarneqarsimaleriarpata pisortatigoortumik nalunaarutigineqarumaarpoq.

d. Qaugu Naalakkersuisut §21-Isumalioqatigiissitap nassuiaataa naammassisaq tunniunneqarumaarpa? Uani ullorpiaa taaqquneqarpoq.

Apeqput 1.-imut akissut takuuk.

3. Namminersornermut inatsimmi § 21 aallartissinnaanissaanut Naalakkersuisut qaugu politikikkut aalajangiiffiginiaarpaat? Uani minnerpaamik ukioq suna akeqquneqarpoq.

Apeqput 1.-imut akissut takuuk.

4. Naalakkersuisut Namminersorneq pillugu inatsimmi § 21-p aallartinneqarpat Danmarki peqatigalugu pituttugaanngitsumik atassuteqarsinnaalersinnaanersoq - tunngaviusumik inatsisissami³ UPA2024/75-imilu ataatsimiititaliap isumaliutissiissutaani eqqaaneqareerneratuut Naalakkersuisut misissoqqissaarnikuuaat imaluunniit periarfissaaneranik eqqartuinnarnikuuppat?

Apeqput 1.-imut akissut takuuk. Naalakkersuisoqatigiinnissamut isumaqatigiissummi qupperneq 19-imi 'Naalagaaffinngoriartorneq' pineqarpoq.

Tunngavilersuut:

Inatsisinut Ataatsimiititaliap UPA/2024/75, imm. 75, isumaliutissiissutaani Namminersornermut inatsimmi § 21 imm. 1 aallartinnissaanut Naalakkersuisut piareersaaqquneqarput, taavalu Kalaallit Nunaanni tunngaviusumik inatsisaasinnaasussamik aaqqiissuseqarnissap periusissaata ingerlariaasissaa inatsisitigut misissueqqissaarnissaq aallarteqquneqarluni. Naalakkersuisut § 37 apeqput nr. 47/2025-imut akissuteqarnerminni aallartinnissaanut aalajangiisoqarsimannginnera ilisimatitsissutigaat, nalilersuinissallu utaqqimaarneqarlutik. Tamanna patsisigalugu killiffissiornissaq ingerlariaqqissutissallu sorlerpiaat atorineqarnissaat paasissallugit pingaaruteqarsorinarmat, ilaatigut *pituttugaanngitsumik atassuteqarsinnaanissaq* isumaqatigiinninniutaasinnaasutut nalilersuutaasinnaaneri paaserusunnarmata apeqputit ingerlateqqinneqarput.

Apeqputigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.

³ Inatsit Tunngaviusussaq pillugu Isumalioqatigiissitat isumaliutissiissutaat 2023

Med venlig hilsen
Inussiarnersumik Inuulluaqqusillunga



Jens-Frederik Nielsen